

te possessa: Illyrios, Peones, Triballos, Thracas penetrarint, Græciam vastarint & Macedoniam, Asiam per vim ereptam occuparint: Nam Germaniæ atq; Britannię magis explorator fuisti q̄ victor. Quid autem de Pharnace dixerim, siquidem post philippicam stragem facile potuit ei regnum adimi, cuius capiti regiũ diadema Pompeius imposuerat: In egregijs haud sane operibus numerabuntur Alexãdrinorum delitiæ subactę. A penis & Hispanis qui iã diuturnis bellis contusi fuerant, nullum graue discrimen impēdebat: & pauci quidem pro partibus arma sumpserāt. Itaq; cæteris inspectantibus cum ciuibus concurristi, ciues trucidasti, ciuium sanguine funestã vrbi nostræ victoriã adeptus es, deniq; a summo fastigio tyrannidis, quam innumeris facinoribus occupaueras, inimicorum virtus magno tui ludibrio precipitem in pfundissimum infœlicitatis barathrum dedit. At qui meas res modo repetere superuacaneum puto, quas iudicum diligentia iam pridem sigillatim examinauerit. Quantum autem virtute nos inter se distamus, quæso tãdem animaduertite. Cæsar aduersum libertatem bellicum gessit: Sylla ne ea tolleretur totis viribus adnixus est: a Cæsare defensores reipublicæ